

حقوقی بیلگیلر مجموعه سی

آیده بر نشر اولنور

مدافعه مشروعه

و

بولنك يكي قانوندرمزه طرز تلقی

اسباب برائتدن اولان مدافعه مشروعه قدیم هند ، یونان ، روما قانونلرنده هر کس ایچون بر حق طبیعی اوله رق قبول ایدلمس وئرمین قانونلرنده ایسه بر طرفدن تجاوزده معروض قالان بر کیسه طرفدن درحال پایلان مقابله بر حق مدافعه تلقی اولونمش و دیگر طرفدن متجاوزك قبل المحکومیه اعدام ایدلمسه مساعدده ایدن « خارج از قانون » معامله سندن منشعب بر وصف آلمس و کلیسا قانوننده ایسه بر طرفدن متجاوزك او کندن قاجق خصوصنده متجاوز علیه ایچون بر بورج صورتده دیگر طرفدن ده آخری مدافعه حالده بیله بر حق وحی بر وظیفه شکننده قبول اولنمشدر . احکام اسلامییه کلنجه : اوراده نفسه وعرضه و ماله قارشی پایلان تعرضلری دفع ایچون بعض قیود و شروط آلتنده اولق اوزره ایشله نیلن قتللرک دخی مباح تلقی ایدلدیکی کورولمکده در . [۱] فرانسه اختلال کیرینی متعاقب مدافعه حالده وقوع بولان قتل فعلنک مسئولیت جزائییه مستلزم اولمادیقی قوانین جزائییه درج ایدلمشدر .

مدافعه مشروعه نك اساسه کلنجه :

مدافعه حالده صوچ ایقاع ایدن کیسه نك مسئولیت جزائییه دن وارسته قاله جنی بو کون بالعموم قوانین جزائییه ده اولدینی کی قانونمزجه دخی قبول ایدلمس ایسه ده جزادن بو صورتده وارسته قالق کیفیتک اسباب حکمتی باشقه باشقه اساسه ابتا ایتدیرلمکده بولونمشدر . بو خصوصده ارباب حقوق باشلیجه ایکی صنفه آیریله یلور :

برنجی صنفده کی ارباب حقوقدن ایتالیالی « قارارا » کی مؤلفیه کورده مدافعه مشروعه حالده ایقاع ایدیلن قتل فعلی معذور تلقی ایدیلن قتللردن اولق اوزره قبول ایدلمکده واشبو معذرتلرک سبیلری و علتلری کیفیتده دخی آلمان حقوق شناسلرندن « پوفندورف »

[۱] فقه حنفینک بو بابده کی احکامنه وقوف پیدا اتمک ایچون « معیار العداله » نام کتابک ۱۳۱ الی ۱۷۴ نجی مسأله لرینه باقی .

بوراده بر نوع جبر معنوی بولنديغنی و كذلك ينه آلمان حقوقشناسلارندن « گهیر » جزا تعیین ایتک حق افراد دکل بلکه دولته عائد بولماسنه بناءً متجاوز علیک مدافعه ذاتیهده بولونارق متجاوزک جزاسنی ویرمسی حق اوله مایه جغنی وایشته بوندن دولایی مدافعه مشروعه حالی مسئولیت جزایی بی رفع ایده رسهده مجرمیتی ازاله ایتیجه جگنی بیان ایله برابر بوراده « تجاوز ایله فعل منعکس یا خود عکس العملی حکمنده بولنان مدافعه مشروعه حالی آراسنده کی مساوات تامه و فئالنه قارشی فئالقله مقابله وهر ایکی فنا فعلک یکدیگریله تقاص و محسوبی» بولنديغنی سرد ایله مکده در .

ایکنجی صنف ارباب حقوقه نظر آمدافعه مشروعه، متجاوز علیک برحق حق بر وظیفه سی اولدینی کبی مسئولیت جزاییه و حقوقیه دن وارسته قالسنی موجب احوال دندندر . ایشته بونک ایچوندر که بو مدافعه « مشروعه » قیدیه توصیف ایدلمشدر . بو بایده کی حق طبیعی بر شکل علمی ویرن اولا آلمان فیلسوفلرندن (هه گل) اولمشدر . مومی الیه الجا آتک حد ذاتنده بر حق تولید ایتدیکنی و مدافعه مشروعه حالده بولنان کیمسه نک حرکتی ده بو حق تأیید ایلدیکنی و ناحق بر تجاوز حقت نفی، اورتادن قالدیراسنی دیمک اولدینیغنی و مدافعه مشروعه ایسه بو نفیک نفی بولنديغنی و حقسزلکی و حقسز معامله نی اعحایه ساعی اولدینیغنی آتیان ایشدر .

کرك قارارا و كرك آلمان حقوقشناسلری مدافعه مشروعه نك اساسی حفته مطالعه سرد ایدرکن دائماً آفاقی یعنی مدافعه مشروعه حالده ایقاع ایدیلن فعلی نظر اعتباره ایشلردر .

بو نظریه یه مقابل اولمق اوزره انفسی اوله رق ایتالیان مکتبی مؤسسلرندن موسیو فهرری، ایتالیا قانون جزاسنک نشرندن اون سنه اول یعنی ۱۸۷۸ سنه سنندن بری « مدافعه مشروعه بر حقت اجرا سیدر . چونکه متجاوز علیک فعل منعکسی ، عکسی العملی اسباب و علل حقوقیه و اجتماعیه دن منبعدر » نظریه سنی ایلری سورمش و مدافعه حالده بولنان کیمسه نک مسئولیت جزاییه دن وارسته قالسنی اثبات ایچون بو اسباب و علتلرک وصفه یعنی انفسی بر نقطه نظره عطف اهمیت ایشدر . شویله که بر تعرض ناحق، متجاوزک ردائت اخلاقیه سنی اظهاره کافی اولدینی کبی متجاوز علیک بو بایده کی بوتون مساعیسی جمعیت بشریه نک منافعی ایچون یا پلمش وشو اعتبارله ناحق یره تعرض ایدن کیمسه بی دفع ایله بن متجاوز علیه عدالت اجتماعیه بی یا پلمش دیمکدر . بو مطالعه سنه ضمیمه موسیو فهرری « متجاوز علیک فعل و حرکتی هیأت اجتماعیه نک حائر اولدینی

نفوذ و سلطه نقطه نظر نخبه تثبيت ايدیلن جزا درجه سنده برحقك اجرا سیدر « دیور .
الحاصل مدافعه مشروعه نك اساسی كرك او بڑه كتیف نقطه نظر دن و كرك سو بڑه كتیف جهندن
متجاوز علیه ایچون برحقدر . او بڑه كتیف نقطه نظر دن دیدم، چونكه متجاوز علیه هم جمعیتك
هم ده بالذات كندی سنك منافعی ایچون بوصوله حرکت ایتمشدر . جزا قانونمزدافعه مشروعه
حالنده بولنان بر کیسه نك بویه جه حرکت ایتسنی بر حق دیو قبول ایتش وشو اعتبارله
مدافعه مشروعه یی مسئولیت جزائییه و حقوقیه یی ازاله ایدن اسبابدن عدا یله مشدر . [۱]
مدافعه مشروعه نك شروطی — ذی حیات بر کیسه یه قارشی اولدینی کی حیاته وداع
ایتش بر شخصه قارشی دخی فی الحال یاپیلان حقسنر تعرض ایچون جزا قانونمزدافعه قبول ایدیلن
بو حق، مطلق اولما یوب بلدكه مقیددر . بو حقك فیدلری مدافعه مشروعه نك شروطی دیمكدر .
جزا قانوننك ۴۹ نجی ماده سنك ۲ نجی بندینه نظراً مدافعه مشروعه نك اسباب
برآستدن اولسی ایچون آنی الذکر شرطلرك برلكده بولنسی لازمدر :

اولا تعرض، متجاوز علیهك نفسه یا خود عرضه قارشو وقوع بولمیدر . بناء علیه
بر کیسه نك اعتبار و شرف و حیثیته وقوع بولان تعرض [۲] مدافعه مشروعه حقنی تولید
ایده مز . در حال شونی علاوه ایده لم كه بوراده کی [نفسه] كله سنی متجاوز علیهك تحته و امنیت
و حریت شخصیه سنه ، و [عرضه] كله سنی ده كرك هتك عرض و كرك هتك عرضه تثبيت
کیفیتلرینه تشمیل ایتك لازمدر . (جزا قانوننك ۴۱۴ نجی ماده سیله مواد متعاقبه سنه باق) [۳]

[۱] بورجلر قانوننك ۵۲ نجی ماده سی دخی مدافعه مشروعه حالنده متجاوزك شخصه یاپیلان
ضرردن دولایي تضمینات اعطاسی لازم کلیه جگنی برنجی فقره سنده تصریح ایله مشدر .
[۲] بولر اولسه اولسه « تحريك » ی موضوع بحث ایتدبره بیلرلر .
[۳] « بوراده موضوع بحث اولان ، ایلک متجاوز علیهنه حرکتی ایجاب ایتدبره ن فعلدر .
بناء علیه حیاتی تهلكیه قویدقدن سو كرا . متجاوز علیهك مقابلیه سی نتیجه سنده حیاتی تهلكیه ده كوره كرك
قارشوسنده كنی تولد و بردن ایلک متجاوز ایچون مسئولیت جزائییه نك مرتفع اوله جنی وارد خاطر
اولماز . خیرسزی و یا جانی یا بصدیق اراق آنلرك حیاتی تهلكیه قویدقدن سو كره بولنرك مدافعه
بولنده کی مقابلیه سی نتیجه سنده ثلوان و یا یارده لانان مال صاحبی و یا قوجه نك وضعیتی و ساده جه بر تحريكه
قارشی حیاته قصد ایله مقابلده بولونان متجاوز علیهك تحريكه سبب اولان کیسه طرفندن یارده لانی
و یا تولدیرلسی بوكا مثالدر . بو قبیل احوالده باشلانمچده کی حقسنر ق هرایی خصمك مقابل فعللرنك
سوك نتایجی ایله ، متناسب دكلدر . خیرسز، زانی و یا تحقیر ایددن کیسه آخرك حیاته مرض ایتمور .
لردی و آنلری سوك حرکته سوق ایددن مال صاحبی، قوجه و یا تحقیر ایدیلن کیسه نك مقابلیه سی
مشروعیت حدودینی تجاوز ایدیلوردی . بسوك حرکك بونون مسئولیتك بلامرحت آنی ایشلرینه
تعیمی قطعی دكلدر . اصل بو کی حالرده علمی اجتهدلر و قضائی قرارلر مدافعه ده تجاوز نقطه سنك
تطبیقی قبول ایتمكده درلر . بالطبع حادثیه سبب اولان ایلک فعلك مسئولیتی استثناً ایدلك شرطیه
سوك حرکكك مسئولیتی بر طرف ایتكده قادر وارانلر دخی وارددر .
(پروفسور مایونك اثرندن)

۴۹ نجی ماده قانونیه نك ايكنجی نومرو سنده كرك كنديسنك و كرك باشقه سنك دينلور.
 بو (باشقه سنك) كله سندن مقصود اولان كيفيت، بر كيمسه يه بر كونا قراحي اولمايان و بوس نوتون
 يابانجي اولان شخص ثالثك نفسى و عرضى در. بو شخص ثالث ذى حيات بر كيمسه اولدينى كچي
 حياته و داع ايتش بر شخص دخی اوله بيلور. بر ئولونك نعى و كيكلرى حقه حقارت
 ياپان ويا بر ئولونك نعى يا خود كيكلرى ويا ئولو ايله كومولن اشياي چالانلر حقه
 جزا قانونك ۱۱۷ نجى ماده سنجه تثبيت ايديلن جزاي مستلزم صوچك ايقاعى انسانده
 او ئولوي مدافعه ايتك يعنى ئولوي مدافعه ضمنده بر صوچ ايقاع ايتك ۴۹ نجى ماده
 قانونيه نك ايكنجى نومروسى موجبجه مستلزم برائتدر. كذلك شخص ثالثك نفسنه
 و عرضنه قارشو ياپيلان تعرضلى دفع ايتك و بو شخص ثالثي مدافعه ايتك بعضاً حق
 اولمقدن زياده بر وظيفه صورتنده تجلى ايدر. مثلاً جزا قانونك ۴۷۶ نجى ماده سنك
 مفادينه نظراً ترك ايديلن ىدى ياشدن آشاي بر صيكن و كندى اداره دن عاجز بر معلوك
 حقوقى مدافعه ايتك بو قبيلدندر.

ثانياً — تعرض حقسن اولميدر؛ حقسن اولان و بر چوچق ويا مالحوليا علتنه
 مبتلا اولان برى طرفدن بيله اولسه سوبزه كتيق نقطه نظر دن قابليت اسناديه دن محروم
 اولان بر فعلك تضمن ايتديكى تعرضى دفع ايتك بيله مشروعدر. فقط حقلى بر معامله يه
 قارشى مدافعه، مدار برائت اوله ماز. مثلاً بر توقيف مذ كره سنى انفاذه مأمور اولان بر
 مباشر (تبليغ مأمورى) ويا پوليس نفرى قانونك مساعده سى دائره سنده جبر استعمال
 ايدر كن توقيف اولوناچق كيمسه بو مأمورلره قارشى بر صوچ ايقاع ايتسه مدافعه مشروعه
 حالنده بولونمش اولماز.

بوراده بر مسئله حقوقيه موضوع بحث اولمقده در؛ بويله بر پوليس مأمورى غير
 قانونى بر معامله ايفا ايدوبده متجاوز عليه بو مأمورك تعرضى حقسن درديه دفعاً مأمور
 مومى اليه قارشو بر صوچ ايقاع ايلسه مدافعه مشروعه نك توليد ايتديكى حقسن
 استفاده ايدوب ايتامسى مسأله سى بين المؤلفين اختلافى داعى اولمشدر. بو بابده اوج
 مختلف فكر موجوددر:

۱ — سلطه صاحبي بر مأمورك دولت مأمورى صفتيله ياپدينى معاملاتده قانونيت
 شمسى موجود اولديغندن و معاملات مذ كوره نك قانونى اولوب اولمادىغنى تقدير
 كيفيتى راست كلن كيمسه لره براقق نظام عامك تأمىني جهتدن محذورلى اولديغندن
 افراد اهلينك اول امرده بوقيل مأمورينه اطاعت ايتمسى لازم و شايد معاملات مذ كوره نك

غير قانونی اولديغی آكلاشيليرسه متضرر اولان كيمسه لرك مامورين مومی اليهم عليهلرندۀ مرجع عايدينه مراجعت ايلملري مفتضيدر. فرانسه محكمۀ تميزی بو نقطۀ نظری تعقيب ايتمكده در. [۱]

۲ — مادامكۀ معامله غير قانونی در، دفع ايتك مشروعدر. بناء عليه بو خصوصده متجاوز عليك ايقاع ايتديكي صوج مسئوليت جزائيۀ وحقوقيۀ بی رفع ايدر. بو مطالعده بولونانلر (حنوق بشر بياننامۀ سنك) برنجی مادۀ سندن استشهد ايتمكده درلر.

۳ — متوسط بر فكر دركۀ اوده شودر: افراد اهالی مامورين دولتك غير قانونی افغانۀ قارشى اطاعت مطلقۀ ايله مكلف اولمادقلى كې مطلق مخالفت و مقاومت حقنه در. مالك دكلدرلر. ذاتاً بو متوسط رايتك قانونمزجده قبول ايدلش اولديغی آكلاشلمقده در. جزا قانونی، افراد اهاليك سلطه صاحبي بو مأمور حقنه شدت استعمالتی بر جرم صورتده تلقی ايتمشدر. (۲۵۴ و ۲۹۸ نجی مادۀ لر ايله آنلردن صكرۀ كلن مادۀ لره باقی) آنجق او مأمور، مأموریتی حدودینی تجاوز ايدۀ لك كیفی معاملاتۀ قیام ايتش ايسۀ قانونك سلطه صاحبي مأمورلر حقنه كی حايه سی اورتادن قالقاروبونلر بر فرد عادی ايتش كی عدوتلقی اولنور واوكا كوره مظهر حايه اولور. حتلی اولان تعرض، مأمور طرفندن ياپيلمايوبده افراد عاديه طرفندن يائش اولورسۀ حكمنۀ در؟ جزا قانونك ۳۰۸ نجی مادۀ سنده مصرح اولديغی اوزره كنديلك كندن احقاق حق ايدۀ نلر طرفندن وقوع بولان تعرض اساس اعتباريله حتلی بر تعرض اولسۀ بناء بويلۀ بر تعرض وقوعۀ مدافعۀ مشروعه نك شروطندن ايكنجیسی بولونماش عد اولنور. بو صوك حكمدۀ بر كونا محذور متصور دكلدر. چونكۀ افراد عاديه طرفندن شخصی حریت عليهنۀ يائش اولان جرملرك جزالری قانونك ۱۷۹ الى ۱۹۲ نجی مادۀ لريلۀ مؤمندر.

اصول ايله فروع آراسنده كی مناسبترلۀ آنا بابانك چوجقلى (قانون مدنيك ۲۶۷ نجی مادۀ سۀ باقی) ياخود اوستۀ نك چيراقلى ويا معلمك طلبۀ سی اوزرنده حائر اولديغی نفوذ [۲] اعتباريله ضرب ايتك ويا سائر صورترلرۀ ياپاجقلى تجاوزلرۀ، تعرضلرۀ

[۱] انكلیز قانونلرينۀ كوره بر پوليس مأمورينۀ مخالفت غير جائزدر حتی او پوليس مأموری بارز بر صورتده مخالف قانون بر حركتده بولنش اولسۀ بيلۀ. پوليس مأمورینی تعقیباً قره قوله كيدۀ بر كيمسۀ نك خلاف قانون و نظام پوليس مركزينۀ كتيرلش اولديغی تحقّق ابتدكده او كيمسۀ نك دوچار اولديغی ضرر دولتيۀ تضمین ايديلور. يعنی دولت، پوليسك بو صورتلۀ ياپديغی ضرری و برمكدن امتناع ايدۀ رسۀ خزینۀ عليهنۀ اقامۀ دعوی ايديلر و دعوی محقق بر صورتده قازانيلر. [۲] چراقلى اوزرنده اوستۀ نك و طلبۀ سی اوزرنده معلمك نفوذلى برنجيلر حقنه در بوجلر قانونك ۵۵ و ايكنجیلر حقنه در جزا قانونك ۶۰ نجی مادۀ لرندن ضمناً آكلاشلمقده در.

کلنجه : آداب و عادات اجتماعیه دأثره سنده یاپلش ایسه حقیدر . بالنتیجه مدافعه مشروعه نك شروطندن اولان ایکنجی شرطه مقارن دکدر . فقط بو باده آنا بابا طرفدن چوققلر حنده سوء استعمالات واقع اولورسه جزا قانوننك ۴۷۷، ۴۷۸ و ۴۷۹ نجی ماده لر احکامی تطبیق ایدیله جکی و بناء علیه قانوناً بیله آنا بابانك شو حرکتی بر جرم تلقی ایدیلدیکی جهتهلہ بالطبع حسنز اولسی دولایسیله مدافعه مشروعه نی تولید ایدیده بیلن حقمر تعرض میانه داخل اوله جفنده شبه یوقدر .

کذلک قاری قوجه آراسنده کی مناسبترده ، قوجه نك عاٹله رئیس اولسی (قانون مدینك ۱۵۲ نجی ماده سنہ باق) دولایسیله قارینی فحشه تشویق ایتسی و یا بیاض قادین تجارتیه معروض بر اقسی بر نوع حقسن تعرض تشکیل ایدہ جکندن و بو کی افعال ، جزا قانوننك ۴۳۵، ۴۳۶ نجی ماده لری موجبنه جزالندیرلش بولندیغندن بو نفوذدن متولد تعرض ، حقسن اولسی اعتباریله مدافعه مشروعه نك ایکنجی شرطنی حصوله کتیرر . شونی ده علاوه ایدہ لم که حقسن اولان بو تعرض بعضاً مادی شکانی غائب ایدہ رک مخاطبک اوزرنده حائز تأثیر اوله بیله جک معنوی بر تعرض شکلی ده اکتساب ایدہ بیلیر . بو معنوی تعرض ، باحتلی اولور و یا حقسن اولور و اوکا کوره مدافعه مشروعه نك ایکنجی شرطی اوله رق تلقی ایدیلیر . حتلی اولان معنوی تعرضلر بعضاً مجبوری آشیلانما کیفیتده اولدینی کی اطبا طرفدن یاپیلیر ؛ یعنی آشیلاناجق کیمسه نك اراده سی اوزرنده حائز تأثیر اولور . بناءً علیه حتلی اولان طیبک دفعی ضمنده یاپیلان صوچ مدافعه مشروعه نی تولید ایتز . چونکه بو طیبیلر قانوننك کندیله نه تحمیل ایتدیکی بر وظیفه نی ایفا ایتکده درلر . شاید بو تعرض معنوی ، حقسن اولورسه جزا قانوننك ۱۸۸ نجی ماده سنہ تماس ایدہ ن جرملردن اولور و بالنتیجه مدافعه مشروعه حقنی تولید ایدہ ر . بو تعرض ، بعضاً کندی کندینه ده مغدور اوزرنده تأثیرلر تولید ایدہ بیلیر . مثلاً جزا قانوننك ۴۷۰ نجی ماده سنده موضوع بحث اولدینی اوزره بر کیمسه کبه لکنی بیلدیکی بر قادینک رضاسی اولمادینی حالده بر طاقم نصیحتلر یا خود تأمیناتلر و بره رک چوقق دوشورمکه مخصوص علاج وسائر واسطه قوللانمق صورتیله چوجوغنی دوشور تیرسه یدی سنہ دن اون سنه یه قدر آغیر حبسه محکوم اولور . کذلک صوچاره اشتراک فصلنده کوریله جکی وجهله برینی انتخاره اقناع ایدہ ن و یاردیم ایلین کیمسه متحرک و فاقی وقوع بولدینی تقدیرده اوچ سنہ دن اون سنه یه قدر آغیر حبس جزاسیله جزالندیریله جنی جزا قانوننك ۴۵۴ نجی ماده سنده مصرح اولسنہ بناءً بو کیمسه نك سوزلری و حرکتلری مغدور اوزرنده

کنیدلگندن حاصل اولمش بر تعرض تولید ایده جگنه ومدافعه مشروعه نك شرطلرندن بولنان حتمسز تعرض نوعندن بولماسنه بناء ديكړ شرطلرك موجودیتی حالتده مستلزم برائت بر حال تولید ایده .

ثالثاً ؛ تعرض فی الحال اولمیدر ؛ یعنی مدافعه تعرضك ابتدار ایتدیكى اثناده واقع اولق وتعرضك ختاميله برابر ختام بولق اقتضا ایده . بناء علیه تعرض برطرف اولدقدن و ارادن حتی برقاچ دقیقهلق برزمان کچدکدن صوكر «مدافعه نفس ویا عرض ایدیورم» دیه بر صوچ ایقاع ایتك مدافعه مشروعه نوعندن اولمایوب بلکه انتقام نوعندن یاخود تهیج ، قورقو ویا حدنك عكس العملاری یعنی افعال منعكسه سی جمله سندن اولمش اولور . (اسباب معذرت محفهدن اولان «تحريك»ه باق) مع هذا تعرضك دفع و اتمامی بکلمك لازم دکلدر . بناء علیه تعرض تهلكه سنك تولید ایتدیكى تهدید حقیقینك [۱] وجودی کافیدر . شو ایضاحاتندن ده آکلاشدیغی وجهله اشبو اوجنچی شرطك موجود اولوب اولمادیغی ، بر تقدیر مسئله سیدر . حکام بونی سو بره کتیف نقطه نظرندن ایجه تحری و تحلیل ایتك مجبوریتنده در .

رابعاً ؛ تعرض واقعندن تحرز ممکن اولمالمیدر . یعنی مدافعه ، ماده قانونیه نك افاده ایتدیكى وجهله تعرضی دفع ایتك ضرورتنك تولید ایتدیكى مجبوریتله پالمش اولمیدر . « بوضرورت ، كرك عكس العمل ایله آنی تولید ایده ن تعرض آره سنده کی نسبت و كرك تعرضی باشقه ضرورتلره برطرف ایتك ممکن اولوب اولمادیغی نقطه نظرندن تدقیق ایدلمیدر . عكس العمل ایله تعرض آره سنده کی نسبت ، تطبیقاتده بعضاً تصادف اولندیغی وجهله مادی نقطه نظرندن باقیدمالمیدر . مثلاً مدافعه ده جرح ایچون جرح تهلكه سی ، قتل ایچون ده قتل تهلكه سنك موجودیتی آراشدیرلمشدر . بالعکس تجاوز دقیقه لرنده فاعلك استعمال ایده بیله جکی وساطتی ، محقق تهلكه قارشوسنده باشقه درلو حرکت امکانك موجود اولوب اولمادیغی وکندی حالت روحیه سنی نظر تدقیقه آلق لازمدر .

بوندن باشقه تهلكه نك اولدن تخمینك قابل اولدیغی تقدیرده اكا قارشی طورمه نك خطا اولدیغی سردایدن حقوق جزا مؤلفلرینك مطالعهری دخی وارد دکلدر . چونکه حتمسز بر هجومك اولدن کشف ایده بیلمسی احتمالی آنك حتمسزلغنی کیده رمز . عکسی طرزده دوشونيله جك اولور ایسه ، کیجه یوجلیغنی اثناسنده هجومه معروض قاله جغنی

[۱] ساده بر تهدید ، مقابل حرکتك ماهیت جزایه سنی رفع وازاله به کافی دکلدر .

دوشونہ رڼا ځانته سلاح آلان بر آدم ، قی الحقیقه بر تعرضه اوغرایه رڼا قو لاندی
تقدیرده مدافعه مشروعه حالده اولدینی ادعا ایدمه ماملیدر . [۱]

تعرضی باشقه صورتلره بر طرف ایتک ممکن اولوب اولمادینی مسئله سنه کلنجه :
بو ، حقسز بر تعرض قارشوسنده بولونان کیمسه نك ماده بر صوچ تشکیل ایدمه بیلجهک
شکلده بر عکس العمله توسل ایتکسزین او تعرضدن توقی ایتکیده امکان کوروب
کورومامسیدر .

بناء علیه رجا ایتک ، کیر ایتک یاخود قاجق [۲] ویا استمداد ایله تعرضی بر طرف ایتک ممکن
ایکن بو چاره لره توسل ایتمه یوبده قانونک آرادینی مجبوریته اورتادن قالمش ایکن همان متجاوزه
قارشو صوچ ایقاع ایتک مدافعه مشروعه حالده بولونمق دیمک دکلدر . چونکه بویله
بر حالده متجاوز علیه اشبو چاره لره توسل ایتماکله مدافعه مشروعه خفنده کی سبب
بر ائندن استفاده ایدمه مز .

لکن تعرض بقتة و بردن وقوع بولوبده متجاوز علیک یوقاروده یازیلی اولان چاره لره
توسل ایتسنه امکان مادی قالمش ایسه دفع واقع ، مدافعه مشروعه عد اولونابیلر ،
یعنی حکامک تقدیرینه بر اقلمش بر مسئله اوله رڼا تلقی ایدیلور . ایشته بو امکان مادیکن
بولونماسی نقطه سیدر که « قارارا » نام مؤلفه « تهلکه قطعی اولمیدر » دستورینی سرد
ایتدیر مشدر .

یوقاروده یازیلی اولان مجبوریته ، تعرضک شدید اولدینی احساس ایتدیر مکده در .
بناء علیه جزا قانونسک ۵۲۱نجی ماده سنده مصرح اولدینی وجهله کنج کیمسه لره سوز آتمق

[۱] یوقاریده یازیلی اولان پروفوسور « مانو » نك اثرندن

[۲] مدافعه مشروعه نك بر حق اولسندن دولایی قاجق کیفیتنک بوراده موضوع بحث
اولمه یجنی ارباب حقوقک بعضیمی طرفندن درمیان ایدلش ایسه ده فرار کیفیتنی نظر دفته آلامق
ومدافعه مشروعه یی علی الاطلاق قبول ایتک بلکه سوء استعمالی مؤدی اوله بیایر مطالعه سیله بو
جهتک نظر دفته آنسی موافق اوله یجنی اکثریت مؤلفینجه سرد ایدلشدر . آنجق معین بریری مدافعه
ایچون امر تلقی ایدن بر کیمسه حقنده قاجق مجبوریته هیچ بر زمان وارد اولمه یجنه جفتدن قطعاً
نظر ، قورق قلمک قانونی بر قاعده مرتبه سنه اصعاد ایدلش نك موافق اولمه یجنی شبهه یزددر حتی
متعرض بر سرخوش ، بر دلی ، بر چوچوق ، بر ضابطه مأموری اولسه بیلر . چونکه مدافعه
حق هر که قارشو بردر .

مجارستان تمیز محکمه سنک بر قراری ، قاجق امکانی مدافعه مشروعه وضعیتی بر طرف
ایدرمه یجنی تصدیق ایلشدر .

صورتیه وقوع بولان تعرضلر مدافعه مشروعه حقنی تولید ایتمز . [۱] الحاصل یوقاریده یازیلی شرطلرک بولونمسی صورتیه مدافعه مشروعه - ولو صوغوق قانلیقله یاییلمش اولسون - بو کونکی جزا قانونسه کوره کرک جرملرده و کرک قباحترلده نمکندر . چونکه ماراللیان ۴۹ نجی ماده قانونیه نک اک صوک جله سنده « ایشله نیلن فعللردن » دنیلمکده در . بو « فعللر » کله سی ده جرم و قباحته شاملدر . مدافعه مشروعه قواعدینک قباحترلده تطبیق ایدلمسندن ناشی در که کندیسنک ویا اوبنک ضررینه اولان بر تجاوزی ویا وقوعندن قورقدینی محقق بر تعرضی دفع ایچون آلدن تفتکله سوقاغه چیقان بر کیمسه نک اسلحه ممنوعه دن اولمایان سلاحلری طاشیور دیه جزا قانوننک ۵۴۹ نجی ماده سنه کوره جزا ندریلیمه جنی [۲] والنده شهادتنامه سی اولمدینی حالده صدیق و وضعیده بولنان بر کبه نی دوغورتارق قادینک دخی بر قباحته فعلی ایقاع ایتمش فرض اولونمیه جنی شه سزدر .

مدافعه مشروعه ، یوقاروده یازیلی اولان شرطلر دائره سنده یاییلمایوبده قانوننک تعیین ایتدیکی حدود تجاوز ایدلمک صورتیه ایشلندیکی تقدیرده مسئولیت جزائییه و حقوقیه نک [۳] رفع ایدلمیه جکی و بالعکس بو حالک جزائی تخفیف ایدن اسبابدن عد ایدلمیه جکی ۵۰ نجی ماده قانونیه نک صراحتی اقتضاسنددر . بناء علیه شروط قانونیه نک کافه سنی حائز اولمق سزین بر تعرضی دفع ایتک مجبوریتده بولنان کیمسه لرک ایقاع ایتدیکی صوجلر قانوناً اعدام و مؤبد آغیر حبس جزاسنی مستلزم اولدینی تقدیرده بو صوجلری یاپانلر آلتی سنه دن آز اولماق اوزره حبس جزاسنه محکوم اولورلر . سائر حاللرده کذلک بو معدنیه بناءً فاعل حقنده اصل صوجه مرتب جزا آلتیده برندن اکسیک و یاریسندن زیاده اولماق اوزره ایندیریلیر و آغیر حبس جزاسی حبسه تحویل اولنور و خدمات عامه دن مؤبداً محکومیت جزاسنه بدل موقت محرومیت جزاسی ویریلور .

ایتالیان پوزیتویست مکتبی سالدکلری ، مدافعه حدودینی تجاوز نظریه سنی بوش ولزومسز دیوتقید ایتکده اولوب آنجق « قانوننک شو حکمنک تطبیق و مدافعه حدودینی تجاوزنک موجودیتی ایچون ، فاعلک حالت روحیه سی مدافعه یه معطوف اولمق و کندیس

[۱] ناموس علیهنده اولان بسط تعرضلر ده زیاده « تحریک » ی موضوع بحث ایتدیر بیلرلر .

[۲] بو خصوصده بر مدافعه مشروعه ، بر Moderame قبول ایدلمک لازم کلدیکی ایتالیاده

صادر اولان قضائی قرارلرده آکلا شلمقده در .

[۳] مدافعه حدودینی تجاوزده کی مسئولیت حقوقیه ایچون مابه التطبیق اوله جق ماده بورجلر

قانوننک ۴۴ نجی ماده سیدر .

مدافعه مجبوریتند بولونق لازمدر . فاعلك نیتی، فاعلك طرزینه و حالت روحیه سنه نظراً جدیتی محافظه ایدن بر تهلکەنك دفعندن زیاده بر کین حسنك تطمیننه معصوف ایسه مدافعه حدودینی تجاوزدن زیاده « تحریك » حالی موضوع بحثدر . الحاصل « مدافعه حدودینی تجاوز » ده هرشی فاعلك سوؤزه کتیف حاله باغلیدر . سوؤزه کتیف حالی تهلکه قارشوسنده وجودینك اعضاسنی سربستجه قوللانه حق و ملکات عقلیه سنی سربستجه اداره ایدەجك درجەده ایسه مدافعه حدودینی تجاوزدن بحث ایدیه بیلیر . عکسی تقدیرده فاعلك مادی نسبتسرلکی جزانك رفعنه مانع تشکیل ایتمز .

تکرار ایدەلم : حاکم دعوی صرەسندە سالم بر دماغ ایله یاپەجینی اینجه تجربه لره مستنداً حکم ویرمه بیلدر . بالعکس حادثەنك وقوعی صرەسندە فاعلك احوال روحیه سنه نظراً محقق اولان تهلکەنك تأثیراتی تمیزه مقتدر اولوب اولمادیغنه باقهره ق حکم ایتمیلدر . عکسی صورتده حرکت ایدلیدیکی حالده فعل اصلی یعنی معنوی جبر ایله مدافعه عکس-العملنك مادی نتیجه لری ریاضی قطعیتله آرانلادینی تقدیرده مجرمی بولنیان برضنی صوج میدانە چیقارلمش ، نه حقوق بر فکرک ونه ده اخلاق ضروری تلقی ایدەمیه جکی بر جزا تطبیق ایدلمش اولور . تضمین وتلافیسی ممکن بر جرم موضوع بحث اولادینی زمانلرده مدافعه حدودینی تجاوز آنحق حقوقی تضمیناته سبب اوله بیلملیدر .

بو حال قبول ایدلیدیکی تقدیرده غیر حقوقی بر مقصدله حرکت ایتمهین بر کیسه علیهنه جزا دعواسی ایچون کافی سبب قالماز . نته کیم بو یولده ویرلمش قرارلر دخی واردر » [۱] « مدافعه حدودینی تجاوز » ایله « تحریك » قابل تألیف بیلدر ؟ ده دوعروسو عین فعل ایچون عینی زمانده بو ایکی مخفف جزا سینك برلکده قبولی جائزیدر ؟ بوکا منق بر جواب ویرمك موافقدر . چونکه عینی محرك سبب ایکی معذرتە میدان ویره مز . مدافعه حدودینی تجاوز ساده تحریکدن ده مؤثر بر سبب مخففدر .

مدافعه مشروعیه ملحق اولق اوزره مدافعه مال ایچون جزا قانونسك ۴۶۱ نجی ماده سنجه تثبیت ایدیلن حکمی بوراده ذکر ایتمك موافقدر . قانونك مدافعه مال ایله مدافعه مشروعیه حقنده کی نقطه نظرلری یکدیگرینه مخالفدر . مدافعه مال کیفیتنده باشقه سنه طائد بر مالی دکل بلکه کندی مالی مدافعه موضوع بحث اولادینی حالده مدافعه مشروعیه ده هم متجاوز علیهك کندیسنك همده باشقه سنك نفسنه وعرضنه قارشو فی الحال یاپیلان حقسر بر تعرضی دفع ایتمك صلاحیتی قبول ایدلمشدر . اشو ۴۶۱ نجی مادهیه نظراً یاغما

[۱] یوقاریده یازیلی اولان پروفسور « مانیو » نك اثرندن .

یا پانلره قارشى مالى مدافعه ايتمك، تعبير ديكركله ذى اليدى [۱] بولندينى مقول برمالك ضبطنه بادی اوله جق تهلكه ايراث ايدنلره ياخود جبر و شدت قوللانا رق ويا شخصاً ياخود مالا^۱ بيوك بر تهلكه يه دوشوره جكي بيانيه تهديد ويا حبس وياخود داغه ويا تنها بر محله قالديره رق حقوقاً حكى حائز بر سند و يرمسه ياخود امضا ايتمسه غيرت ايدنلره قارشى حقوقى مدافعه ايله نلر ويا مرد يوهن قورارق ياخود قايي قيرارق بر خانه يه ويا سائر مسكون برلره ياخود بونلرك مشتملاتنه كيرن ويا بونلري ياقان كيمسه لري - بو فعللر كيچه وقي اولق ويا كوندوز اولسه خانه و بنا مشتملاتى عجرا بر محله بولومتق شرط ليله - ايچنده اقامت ايدنلرك امنيت شخصيه لر نجه عقلاً وارد بر انديشه و خوف جدى موجود اوله رق دفع ايدنلر ايچون بر جزا و يرميه جكي تثبيت ايدلمشدر . [۲] شايد مالى مدافعه ايتاسنده متجاوز عليه افراط ايتمش و مرد يوهن قورمق، قايي قيرمق، وديوار دلك فاعللرينى دفع ايچون قانونده يازيلي شرطلر موجود بولنماش اولوبده بر صوج ايقاع ايلدكده بو صوجه مرتب جزا آغير حبس، حبسه تحويل اولنق اوزره اوچده بردن ياربسه قدر ايندي ريلير [۳] الحاصل اشبو ۴۶۱ نجى ماده نك قسم اولى مال حقنده قانوناً تثبيت ايديلن اسباب برائى و قسم اخيري اسباب معذرت مخففه قانونيه ن اراءه ايلدكده در . بوراده كي (مال) كله سنى قانون واسع بر معاده استعمال ايلمشدر . بناء عليه مال صاحبي اولما يوبده مقول برمالك ذى اليدى اولق كيفيتى دخى جزا قانوننك ۴۹۵ نجى ماده سى مفهوم مخالفى دلا تليه بورايه داخل اولمقده در ، شونى علاوه ايدلم كه مدافعه ماله ، باشقه سنه عائد بر مال خار جدر . زيرا ۴۶۱ نجى ماده نك برنجى نومرو سى (كندى مالى) ديمكده در . تفصيلات آتفه يه نظراً بو كونكى جزا قانونى مال حقنده اسكى قانون جزاك تثبيت ايشديكى مدافعه مشروعه دن آيرلش ويكى يكي حكملر تثبيت ايلمشدر .

مدافعه مشروعه حالنده كي مسئوليت حقوقيه كلنجه :

متجاوز طرفدن اقامه ايدلمش اولان حقوق شخصيه دعواسى جزا دعواسى ايله برلكده جزا محكمه سنده اقامه ايدلمش اولوبده مدافعه مشروعه نك شروطى دائره سنده

[۱] Possession مقابلى

[۲] ۴۶۱ نجى ماده نك شرطلري خار جنده كي بر سرفت ايتاسنده خير سز حقنده استعمال ايديلن تفصيلات و قاچاق بر خير سز اوزرينه آتلى سلاحلره ايقاع ايديلن جرمك مشروع مدافعه تشكيل ايدميه جكي شبهه سزدر .

[۳] ۴۶۱ نجى ماده ده كي تزيلات ايله ۵۰ نجى ماده كي تزيلات آره سنده فرق واردر .

وقوع بولسندن ناشی متجاوز علیک برائتته قرار لاحق اولدقده بو کیمسه نك حقوق شخصیه ایله دخی معاتب اولمایاجنی درکار و بورجلر قانوننك ۵۲ نجی ماده سنك فقره اولاسی دخی بو نقطه نظری تأیید ایتکده بولندیغندن شاید یوقاریده یازیلان حقوق شخصیه بر حقوق عادیه دعواسی شکلنده طلب ایدلمش اولورسه حقوق محکمه سنك اشبو ۵۲ نجی ماده حکمه کوره معامله ایفا ایده جکی آشکار در؛ آنجق مدافعه مشروعه حدودنی تجاوز حالنده بورجلر قانوننك ۴۵ نجی ماده سی تطبیق ایدیله جکندن کرک جزا و کرک حقوق حاکی ضرر و زیان مقدراتی تنقیص ایتک صورتیه ضرری یاپان شخصک یعنی حال مدافعه ده بولنان کسه نك مسئولیت حقوقیه سی تثبیت ایدر،

احضار قوانین قومسیونی اعضاسندن

باهر ادرخانه

JURISPRUDENCE

اجتهادات محاکمه

محکمہ تمیز برنجی حقوق دائره سندره :

اعلام نومروسی ۳۳۷۴ تاریخ: ۲۹ تشرین ثانی ۱۳۴۰

اتحاد دکر منجیلک آنونیم شرکتی ایله غلطه ده دائره مخصوصه سندره مقیم بانقو دی روما میانه لرنده متحدن دعوا یه دائر استانبول محکمه اصلیه سی برنجی تجارت دائره سندن ۱۹ ایلول سنه ۳۴۰ تاریخ ۱۴۹ عددیه ویریلوب تمیزاً تدقیقی مدت قانونیه سی ظرفنده و شرائط لازمه دائره سندره اتحاد دکر منجیلک شرکتی طرفندن طلب و بو بابتده کی ایضاحات شفاهیه لرینک اخذی دخی شرکت مذکوره وکیلی طرفندن استدعا قلمغله تعیین اولنان کونده دعوت واقع اوزرینه مستعدی تمیز شرکتک وکیل مصدق وکلای دعاویدن اسعد مخلص بک ورود ایتمش ایسه ده دعوتنامه تبلیغ ایدلایکی حالده ممیز علیه بانقه نك مدیری کلامش و وکیل دخی کوندر مامش اولدیغندن مذکور بانقه نك غیابنده تدقیقات تمیزیه علیه اجراسنه متفقاً قرار ویریلرک طرفینک اعتراض و جواب لایحه لرلی بالمطالعہ تدقیقات تمیزیه اجراسنه ایتدار قلدی .